



**O'ZBEKISTON RESPUBLIKASI NAMANGAN VILOYATI
NAMANGAN SHAHAR DAVLATOBOD TUMAN HOKIMINING**

Q A R O R I

Davlatobod t. Islom Karimov ko'chasi

2024 - yil 9 - fevral

40-6-219-Q/24

Davlatobod tumani hokimligi

Davlatobod tumanida 2024-yilda transport vositalarining majburiy texnik ko'rigini o'tkazish jadvali va komissiya tarkibini tasdiqlash to'g'risida

“Mahalliy davlat hokimiyati to'g'risida”gi O'zbekiston Respublikasi Qonunining 6, 25-moddalari, “Yo'l harakati xavfsizligi to'g'risida”gi Qonunining 17-moddasi, O'zbekiston Respublikasi Vazirlar Maxkamasining 2021-yil 9-martdagi 125-sonli qarori bilan tasdiqlangan “Transport vositalarini majburiy texnik ko'rikdan o'tkazish tartibi to'g'risida”gi Nizomga (keyingi o'rinlarda – Nizom) muvofiq transport vositalarining 2024-yilda majburiy texnik ko'rigini tashkil qilish maqsadida,

Q A R O R Q I L A M A N:

1. Tuman hududidagi mulkchilik shaklidan qat'iy nazar yuridik va jismoniy shaxslarga tegishli bo'lgan transport vositalari majburiy texnik ko'rikdan o'tkazilsin.

2. Quyidagilar:

Davlatobod tumanida 2024-yilda transport vositalarining majburiy texnik ko'rigini o'tkazish bo'yicha komissiya tarkibi 1-ilovaga muvofiq;

Davlatobod tumanida 2024-yilda jismoniy va yuridik shaxslarga tegishli bo'lgan transport vositalarining majburiy texnik ko'rigini o'tkazish jadvali 2-ilovaga muvofiq tasdiqlansin.

3. Transport vositalari qo'yidagi davriylikka muvofiq texnik ko'rikdan o'tkazilsin:

tijorat asosida yo'lovchilar tashish faoliyati bilan shug'ullanuvchi yengil

avtomobillar, avtobuslar, trolleybuslar, tramvaylar va o'rindiqlar soni 8 ta va undan ortiq bo'lgan (haydovchining o'rnidan tashqari), odamlarni muntazam tashish uchun jihozlangan yuk avtomobillari, yirik gabaritli, og'ir vaznli va xavfli yuklarni tashish uchun maxsus transport vositalari va ularning tirkamalari — bir yilda ikki marta;

ishlab chiqarilganiga olti yildan ko'p bo'lmagan transport vositalari (mazkur bandning [ikkinchi xatboshisida](#) ko'rsatilgan transport vositalaridan tashqari) — ikki yilda bir marta;

ishlab chiqarilganiga olti yildan ortiq bo'lgan, shuningdek, ishlab chiqarilgan vaqti aniq bo'lmagan transport vositalari (mazkur bandning [ikkinchi xatboshisida](#) ko'rsatilgan transport vositalaridan tashqari) — bir yilda bir marta;

tirkamalar texnik ko'rikka transport vositasi — shatakchi uchun belgilangan muddatlarda;

navbatdagi texnik ko'rikdan o'tkazishning ilgari o'rnatilgan muddatlaridan qat'i nazar, ularni Davlat yo'l harakati xavfsizligi xizmati (keyingi o'rinlarda - DYHXX) organlarida ro'yxatdan o'tkazish (qayta ro'yxatdan o'tkazish) vaqtida (birinchi marta ro'yxatga olinayotgan yangi transport vositalari bundan mustasno).

4. Mazkur qarorning 3-bandi [ikkinchi xatboshisida](#) ko'rsatilgan transport vositalarining texnik ko'rigi:

birinchi marta – 1-mart- 30-iyunda;

ikkinchi marta – 1-sentyabr- 31-oktyabrda o'tkaziladi.

Jismoniy va yuridik shaxslarga tegishli boshqa transport vositalarining texnik ko'rigi 1-yanvar – 31-dekabrda o'tkaziladi.

5. Transport vositalarini majburiy texnik ko'rikdan o'tkazish tuman komissiyasi rahbariga transport vositalarining texnik ko'rikdan o'tkazishda:

transport vositasini ro'yxatdan o'tkazish to'g'risidagi guvohnomada (texnik pasportda, texnik talonda) ko'rsatilgan ma'lumotlarga transport vositasi turi, markasi, modeli, davlat ro'yxatidan o'tkazish raqami belgilari, shassi (rama), kuzov va dvigatelning identifikatsiyalash raqamlarining muvofiqligi;

transport vositasining texnik holati va jihozlari texnik reglamentlar, standartlar talablariga, yo'l harakati xavfsizligi qoidalari va normalariga muvofiqligi;

maxsus va tezkor xizmatlarning transport vositalarida maxsus rangli va ovozli signallar qurilmalarining mavjudligi, sozligi va qonuniyligi, shuningdek, transport vositasining rang-grafik bo'yash sxemalarining texnik reglamentlar yoki standartlar talablariga muvofiqligi;

gaz yonilg'isida ishlash uchun qayta jihozlangan transport vositalarini texnik ko'rikdan o'tkazishda gaz ballonlarining foydalanish muddati, ishlab chiqarilgan yili, zavod raqami, gaz ballonlarini sinovdan o'tkazish muddatlari, gaz balloni anjomlarining belgilangan talablarga muvofiqligini tekshirilishini ta'minlasin.

6. Transport vositalarining majburiy texnik ko'rigi DYHXX organlari hamda tadbirkorlik subyektlari – yuridik shaxslar tomonidan Nizomga muvofiq o'tkaziladi hamda tegishli yig'im undiriladi.

Transport vositalarining texnik holati va uskunalarining muvofiqligini baholash uchun DYHXX organlari tomonidan vazirliklar, idoralar va boshqa tashkilotlarning texnika bazalari, shuningdek, xususiy texnik xizmat ko'rsatish stansiyalari shartnoma asosida jalb etilishi mumkin.

Jismoniy shaxslarga tegishli bo'lgan M1 toifadagi transport vositalari faqat tadbirkorlik subyektlari tomonidan texnik ko'rikdan o'tkaziladi.

7. Tumandagi barcha transport vositalari egalari bo'lgan yuridik va jismoniy shaxslarga texnik ko'rikdan o'tkazish jadvali asosida transport vositalarini texnik jihatdan sozligini o'z vaqtida texnik ko'rikdan o'tkazish majburiyati yuklatilsin.

8. Vazirlar Mahkamasining 2021-yil 9-martdagi 125-son "Transport vositalarini majburiy texnik ko'rikdan o'tkazish tartibi to'g'risida nizomni tasdiqlash to'g'risida"gi qarori 3-bandiga ko'ra O'zbekiston Respublikasi Milliy gvardiyasi, Mudofaa vazirligi, Ichki ishlar vazirligi va Davlat xavfsizlik xizmati harbiy bo'linmalarining transport vositalari mazkur idoralar tomonidan belgilangan tartibda majburiy texnik ko'rikdan o'tkazilishi inobatga olinsin.

9. Tuman hokimining 2022-yil 19-dekabrdagi 563-6-219-Q/22-sonli qarori o'z kuchini yo'qotsin.

10. Ushbu qaror rasman e'lon qilingan kundan e'tiboran kuchga kiradi.

11. Mazkur qaror ijrosini nazorat qilish tuman hokimi o'rinbosari M.Ne'matov zimmasiga yuklatilsin.

Tuman hokimi



A.Tadjimirzayev

Davlatobod tuman hokimining
2024-yil 9-fevraldagi
40-6-219-Q/24-son qaroriga
1-ilova

**Tumanda transport vositalarini majburiy texnik ko'rikdan o'tkazish bo'yicha
tuman komissiyasi**

T A R K I B I

Komissiya raisi :

B.Alimqulov - Namangan viloyati IIB YHXB 1-tumanlararo YHXB TNG katta
inspektori

Komissiya a'zolari:

S.Tursunov - Viloyati transport boshqarmasi boshlig'i

Sh.Maxmudov - Mudofaa ishlari bo'limi texnik hodimi

O.Saidov - Tuman ekologiya va atrof muhitni muhofaza qilish inspeksiyasi
boshlig'i

Komissiya kotibi:

F.Sharopov - Namangan viloyati IIB YHXB 1-tumanlararo YHXB TNG katta
inspektori

*Izoh: Komissiya a'zolari boshqa ishga o'tgan taqdirda, ularning o'rniga yangi
tayinlangan shaxslar komissiya a'zosi hisoblanadi.*

Davlatobod tuman hokimining
2024-yil 9-fevraldagi
40-6-219-Q/24-son qaroriga
2-ilova

**Tumanda transport vositalarini majburiy texnik ko'rikdan o'tkazish bo'yicha
tuman komissiyasi**

T A R K I B I

Komissiya raisi :

B.Alimqulov - Namangan viloyati IIB YHXB 1-tumanlararo YHXB
TNG katta inspektori

Komissiya a'zolari:

S.Tursunov - Viloyati transport boshqarmasi boshlig'i
Sh.Maxmudov - Mudofaa ishlari bo'limi texnik hodimi
O.Saidov - Tuman ekologiya va atrof muhitni muhofaza qilish
inspeksiyasi boshlig'i

Komissiya kotibi:

F.Sharopov - Namangan viloyati IIB YHXB 1-tumanlararo YHXB
TNG katta inspektori

*Izoh: Komissiya a'zolari boshqa ishga o'tgan taqdirda, ularning o'rniga
yangi tayinlangan shaxslar komissiya a'zosi hisoblanadi.*

Davlatobod tuman hokimining
2024-yil 9-fevraldagi
40-6-219-Q/24-son qaroriga
3-ilova

Jismoniy va yuridik shaxslarga tegishli bo'lgan transport vositalarining 2024-yilgi majburiy texnik ko'rikdan o'tkazish

J A D V A L I

№	Tashkilot, norxona, xo'jalik va muassalar nomi	Texnik ko'rik o'tkazish kuni	Texnik ko'rik o'tkazish vaqti	Texnik ko'rikdan o'tkazish joyi	Transport-lar soni
1	"UZCHASIS" MCHJ	08.03.2024-y.	9:00- 18:00	Korxona garajida	6
2	"Novatex" MCHJ	10.03.2024 y	9:00-18:00	Korxona garajida	30
3	"Onlayn Taksi Servis" MCHJ	10.03.2024 y	9:00- 18:00	Korxona garajida	1
4	"Avtotexxizmat" MCHJ	11.03.2024 y	9:00- 18:00	YXXBda	6
5	"Meva kuchat yetishtirish" tajriba xujapigi korxonasi	24.03.2024-y.	9:00- 18:00	Korxona garajida	7
6	"Ulgurji savdo" AJ	25.03.2024 y	9:00- 18:00	YXXBda	2
7	"Namangan -Aeroporti" DAK	29.03.2024 y	9:00- 18:00	Korxona garajida	44
8	"Nestle-Uzbekiston" kushma korxonasi	31.03.2024 y	9:00- 18:00	Korxona garajida	115
9	"Al Ibrat" MCHJ	07.04.2024 i.	9:00- 18:00	Korxona garajida	6
10	"Gaz savdo servis" MCHJ	09.04.2024-y.	9:00- 18:00	Korxona garajida	2
11	"Tennis korti" sport majmuasi	13.04.2024-y.	9:00- 18:00	YXXBda	2
12	"Guza urugchilik" korxonasi	15.04.2024-y.	9:00- 18:00	Korxona garajida	4
13	"Shimoliy-Fargona magistral kanali" boshkarmasi	16.04.2024-y.	9:00- 18:00	Korxona garajida	10
14	ATB "Mikrakreditbanki" Namangan viloyat bulimi	19.04.2024 y	9:00- 18:00	Korxona garajida	54
15	TIF "Milliybank" Namangan viloyat bulimi	20.04.2024-y.	9:00- 18:00	YXXB da	2
16	ATB "Ipakyulibank" Namangan viloyat bulimi	23.04.2024-y.	9:00- 18:00	YXXBda	2
17	ATB "Infin banki" Namangan viloyat bulimi	26.04.2024 y	9:00- 18:00	YXXBda	1
18	ATB "Transt banki" Namangan viloyat bulimi	27.04.2024 y	9:00- 18:00	YXXBda	1
19	Momik sochiklari MCHJ	28.04.2024-y.	9:00- 18:00	Korxona garajida	11
20	"Shoxrux-Farrux" MCHJ	01.05.2024-y.	9:00- 18:00	Korxona garajida	3
21	"Uzkishlok. xujalik mashlizing" MCHJ	01.05.2024-y.	9:00- 18:00	YXXBda	2
22	9-sonli kurilayotgan korxonalar DUK	08.05.2024-y.	9:00- 18:00	YXXBda	4
23	"Avtomotoxavaskorlar kungilli jamiyati" MCHJ	08.05.2024-y.	9:00- 18:00	Korxona garajida	13

24	Namangan Muxandislnk- iktisodiyot instituti	11.05.2024-y.	9:00- 18:00	Korxona garajida	5
25	"Mukammal kurilish" MCHJ	13.05.2024-y.	9:00- 18:00	Korxona garajida	9
26	Namangan viloyat "Issiklik manbai" ishlab chikarish korxonasi	24.05.2024-y.	9:00- 18:00	Korxona garajida	8
27	"Namanganvino" AJ	28.05.2024 y	9:00- 18:00	YXXBda	4
28	"Etalon" MCHJ	05.06.2024-y.	9:00- 18:00	YXXBda	4
29	"Mingbulok suv ta'mir kurilish" MCHJ	05.06.2024-y.	9:00- 18:00	Korxona garajida	10
30	"Namangan-Ibrat" MCHJ	07.06.2024-y.	9:00- 18:00	Korxona garajida	16
31	"Navbaxor" futbol klubi	07.06.2024-y.	9:00- 18:00	YXXBda	3
32	Viloyat xalk ta'limi boshkarmasi	08.06.2024-y.	9:00- 18:00	YXXBda	3
33	Nasos stansiyalari energitika aloka boshkarmasi	09.06.2024-y.	9:00- 18:00	Korxona garajida	71
34	"Ulgurji savdo" MCHJ	10.06.2024-y.	9:00- 18:00	Korxona garajida	6
35	"NAM TEKS" MCHJ	12.06.2024-y.	9:00- 18:00	Korxona garajida	10